

19 JUN 1999

UMNO: PERWAKILAN TUNJUK KEMAMPUAN BERBAHASA ASING

KUALA LUMPUR, 19 Jun (Bernama) -- Seorang anggota perwakilan menggunakan beberapa rangkai kata bahasa Hindi, Thai dan Jepun bagi menghilangkan rasa jemu pendengar semasa perbahasan usul Ucapan Dasar Presiden di Perhimpunan Agung Umno.

Wakil Perak, Datuk Ramly Zahari, menuturkan beberapa rangkai kata Jepun semasa bercerita mengenai perbualannya dengan seorang Jepun yang kagum dengan Perdana Menteri Datuk Seri Dr Mahathir Mohamad.

Beliau menggunakan sepotong syair Hindi yang bermaksud "Kasih sayang tidak boleh dijual beli" bagi menggambarkan perasaan kasih anggota Umno kepada Dr Mahathir.

Ramly juga berbahasa Thai bermaksud "Biar bersedih kerana derita, jangan bersedih masa gembira" bagi mengingatkan orang ramai supaya bersedia hidup susah semasa kegawatan ekonomi.

Pengerusi Tetap Tan Sri Sulaiman Ninam Shah ketika memberi reaksi kepada bahasa Thai yang dituturkan Ramly berkata berkata: "Banyak benar bahasa yang dia tahu, saya hanya tahu perkataan tom yam sahaja."

Ramly berkata Parti Keadilan Nasional (Keadilan) pula adalah singkatan bahasa Inggeris bagi "Agent of Damage in Life" yang bermakna agen perosak dalam kehidupan.

Beliau juga memetik sepotong hadis dalam bahasa Arab bermaksud "Awasslah, jangan kamu melampau dalam soal-soal agama kerana orang sebelum kamu telah binasa, kerana melampau dalam soal-soal agama".

--BERNAMA
NY ZKS NAK